

# Trefniadau ar gyfer Comisiynu Gwasanaethau – Cyngor Sir Ddinbych

Blwyddyn archwilio: 2023-24

Dyddiad cyhoeddi: Rhagfyr 2024

Cyfeirnod y ddogfen: 4630A2024

Paratowyd y ddogfen hon fel rhan o waith a gyflawnir yn unol â swyddogaethau statudol.

Os ceir cais am wybodaeth y gall y ddogfen hon fod yn berthnasol iddi, tynnir sylw at y Cod Ymarfer a gyhoeddwyd o dan adran 45 Deddf Rhyddid Gwybodaeth 2000. Mae Cod adran 45 yn nodi'r arfer o ran trin ceisiadau a ddisgwylir gan awdurdodau cyhoeddus, gan gynnwys ymgynghori â thrydydd partïon perthnasol. Mewn perthynas â'r ddogfen hon, mae Archwilydd Cyffredinol Cymru ac Archwilio Cymru yn drydydd partïon perthnasol. Dylid anfon unrhyw ymholiadau ynglŷn â datgelu neu aildefnyddio'r ddogfen hon at Archwilio Cymru yn [swyddog.gwybodaeth@archwilio.cymru](mailto:swyddog.gwybodaeth@archwilio.cymru).

Rydym yn croesawu gohebiaeth a galwadau ffôn yn Gymraeg a Saesneg. Ni fydd gohebu yn Gymraeg yn arwain at oedi.

Mae'r ddogfen hon hefyd ar gael yn Saesneg. This document is also available in English.

# Cynnwys

Adroddiad cryno	
Pam y cynhaliom ni'r archwiliad hwn	4
Ein dyletswyddau archwilio	4
Ein hamcanion ar gyfer yr archwiliad hwn	4
Pam fod comisiynu'n bwysig	4
Yr hyn y gwnaethom fwrw golwg arno a sut y mae da'n edrych	5
Ein dulliau archwilio a phryd y cynhaliom ni'r archwiliad	5
Yr hyn a ganfuom	6
Ein hargymhellion i'r Cyngor	8
Atodiadau	
Atodiad 1 – cwestiynau a meini prawf archwilio	9

# Adroddiad cryno

## Pam y cynhaliom ni'r archwiliad hwn

### Ein dyletswyddau archwilio

- 1 Rydym yn cynnal yr archwiliad hwn dan y dyletswyddau a gynhwysir yn:
  - adran 17 Deddf Archwilio Cyhoeddus (Cymru) 2004 (Deddf 2004) i helpu i alluogi'r Archwilydd Cyffredinol i fod wedi'i argyhoeddi (neu beidio) bod y Cyngor wedi sefydlu trefniadau priodol i sicrhau gwerth am arian o ran y modd y mae'n defnyddio ei adnoddau; ac
  - adran 15 Deddf Llesiant Cenedlaethau'r Dyfodol (Cymru) 2015 i helpu i alluogi'r Archwilydd Cyffredinol i asesu i ba raddau y mae'r Cyngor yn gweithredu yn unol â'r egwyddor datblygu cynaliadwy wrth gymryd camau i gyflawni ei amcanion llesiant.
- 2 Gall yr archwiliad hwn oleuo astudiaeth ar gyfer gwella gwerth am arian dan adran 41 Deddf 2004 hefyd.

### Ein hamcanion ar gyfer yr archwiliad hwn

- 3 Ein hamcanion ar gyfer yr archwiliad hwn yw:
  - darparu sicrwydd bod gan gynghorau drefniadau priodol ar gyfer comisiynu gwasanaethau i sicrhau gwerth am arian o ran y modd y maent yn defnyddio adnoddau;
  - darparu sicrwydd bod cynghorau'n gweithredu yn unol â'r egwyddor datblygu cynaliadwy wrth gomisiynu gwasanaethau; ac
  - egluro sut y mae cynghorau'n mynd ati i gomisiynu gwasanaethau ac ysbrydoli a grymuso cynghorau a chyrrff eraill yn y sector cyhoeddus trwy adnabod a rhannu enghreifftiau o arfer/dulliau nodedig lle y bo'n berthnasol.
- 4 Rydym yn cynnal yr archwiliad hwn ym mhob un o'r 22 o brif gynghorau yng Nghymru.

## Pam fod comisiynu'n bwysig

- 5 Comisiynu yw'r broses a ddefnyddir gan y Cyngor i ddylunio gwasanaethau y mae'n bwriadu eu darparu. Mae'n dechrau â diffinio'r gwasanaeth a'r allbynnau a deilliannau a dymunir ac yn diweddu pan fo'r Cyngor yn trefnu ei ddull darparu. Er enghraifft, trwy sefydlu tîm darparu yn fewnol, neu drwy gaffael cyflenwr allanol.
- 6 Gall trefniadau comisiynu helpu i sicrhau bod gwasanaethau'n cael eu darparu mewn modd darbodus, effeithlon ac effeithiol. I'r gwrthwyneb, gall gwendidau mewn trefniadau comisiynu leihau effaith gwasanaethau a'u gwerth am arian, hyd yn oed os yw'r prosesau sy'n dilyn, megis caffael a rheoli contractau, yn gadarn.



## Yr hyn y gwnaethom fwrw golwg arno a sut y mae da'n edrych<sup>1</sup>

- 7 Fe wnaethom adolygu trefniadau'r Cyngor ar gyfer comisiynu gwasanaethau ac yn benodol i ba raddau y mae hyn wedi cael ei ddatblygu yn unol â'r egwyddor datblygu cynaliadwy; ac y bydd yn helpu i sicrhau gwerth am arian o ran y modd y defnyddir adnoddau'r Cyngor.
- 8 Nid oedd yr archwiliad hwn yn cynnwys trefniadau caffael na threfniadau rheoli contractau'r Cyngor.
- 9 Roedd yr archwiliad yn ceisio ateb y cwestiwn cyffredinol hwn: **Wrth gomisiynu gwasanaethau, a yw'r Cyngor yn sefydlu trefniadau priodol i sicrhau gwerth am arian o ran y modd y mae'n defnyddio ei adnoddau?**
- 10 Fe ddefnyddiom ni'r meini prawf archwilio a nodir yn **Atodiad 1**, sydd hefyd yn dangos y berthynas rhwng y meini prawf a'r cwestiynau archwilio. Goleuwyd hyn gan ein gwybodaeth gronns yn ogystal â'r hierarchaeth gwestiynau a dangosyddion cadarnhaol yr ydym wedi'u datblygu i ategu ein harchwiliadau o gymhwyso'r Egwyddor Datblygu Cynaliadwy.



## Ein dulliau archwilio a phryd y cynhaliom ni'r archwiliad

- 11 Mae ein canfyddiadau'n seiliedig ar adolygiadau o ddogfennau, a chyfweliadau gyda'r uwch swyddogion sy'n gyfrifol am ddatblygu dull comisiynu strategol y Cyngor. Fe wnaethom hefyd gyfweled ag uwch swyddogion â chyfrifoldeb am wasanaethau y mae'r Cyngor wedi'u comisiynu'n allanol.
- 12 O ystyried yr ystod lawn o wasanaethau sydd gan y Cyngor, fe wnaethom brofi sampl o'r trefniadau y mae'r Cyngor wedi'u sefydlu i gomisiynu gwasanaethau. I wneud hyn, fe ddewisom ni nifer y wasanaethau lle mae'r Cyngor wedi penderfynu comisiynu gwasanaethau'n allanol ac archwilio'r trefniadau comisiynu y mae'r Cyngor wedi'u rhoi ar waith. Y sampl o feysydd gwasanaeth y gwnaethom eu hadolygu yn y Cyngor oedd:
  - Gwasanaethau Cymorth Ieuenctid
  - VERTO – Datrysiaid rheoli perfformiad a rheoli prosiectau
  - Cynllun Adsefydlu'r DU

<sup>1</sup> Fe'i diffinnir fel 'yr hyn a ddylai fod' yn ôl deddfau neu reoliadau, 'yr hyn a ddisgwylir' yn ôl arfer gorau, neu 'yr hyn a allai fod', pe bai'r amodau'n well.

- 13 Mae'r dystiolaeth yr ydym wedi'i defnyddio i oleuo ein canfyddiadau'n gyfyngedig i'r ffynonellau hyn. Fe wnaethom y gwaith hwn yn ystod mis Gorffennaf a mis Awst 2024.
- 14 Rydym yn gwneud y gwaith hwn ym mhob un o'r 22 o brif gynghorau yng Nghymru ac, yn ogystal ag adrodd yn lleol wrth bob cyngor, rydym hefyd yn bwriadu cynhyrchu adroddiad cenedlaethol.



## Yr hyn a ganfuom

- 15 Ar y cyfan, canfuom fod y Cyngor wedi nodi disgwyliadau eglur ar gyfer adrannau wrth gomisiynu gwasanaethau, ond nad oes gan y Cyngor drefniadau i sicrhau y cwrddir â'r rhain yn gyson. Rydym yn nodi isod pam ein bod wedi dod i'r casgliad hwn.
- 16 Mae'r Cyngor yn dangos rhesymeg glir dros gomisiynu gwasanaethau. Er enghraifft, mae strategaeth caffael a chomisiynu'r Cyngor yn amlinellu'r broses o bennu a yw, a sut y mae, gwasanaeth yn cael ei gomisiynu. Mae'r Cyngor wedi datblygu ffurflen gomisiynu i ategu'r broses hon. Mae'r tîm caffael hefyd yn rhoi cyngor ar y broses hon. Mae hyn yn ysgogi adrannau i ystyried y rhesymeg dros gomisiynu gwasanaethau. Roedd y Cyngor wedi ystyried pam oedd angen a pha un a oedd angen iddo gomisiynu gweithgarwch yn y gwasanaethau y bwriad ni olwg arnynt. Mae hyn yn bwysig oherwydd bod deall yn glir pam fod gwasanaethau'n cael eu comisiynu, a'r hyn y maent wedi'i fwriadu i'w gyflawni, yn bwysig er mwyn i'r Cyngor allu gwerthuso eu gwerth am arian yn ddiweddarach.
- 17 Mae gan y Cyngor hefyd drefniadau i gynnal arfarniadau o'r opsiynau i oleuo gweithgarwch comisiynu. Mae strategaeth caffael a chomisiynu'r Cyngor yn amlinellu ei ddull o gyflawni gwerth am arian trwy ystyried gwahanol fodolau darparu a defnyddio technoleg i gyflawni arbedion effeithlonrwydd yn y broses gomisiynu. Mae ffurflen gomisiynu'r Cyngor hefyd yn ysgogi gwasanaethau i ystyried ac amlinellu'r ystod o opsiynau darparu sydd ar gael i'r gwasanaeth. Roedd y Cyngor wedi ystyried ystod o opsiynau comisiynu yn y gwasanaethau y gwnaethom ni fwrw golwg arnynt. Mae hyn yn lleihau'r risg o wneud penderfyniadau comisiynu nad ydynt yn sicrhau'r gwerth gorau am arian.
- 18 Fodd bynnag, nid oes gan y Cyngor drefniadau i fynd ati'n systematig i ysgogi adrannau i ddechrau ystyried opsiynau comisiynu ar yr adeg briodol. Caiff ymgysylltiad adrannau â llifoedd gwaith comisiynu ei lywio ganddynt hwy yn hytrach na chael ei drefnu'n gorfforaethol. Mae hyn yn creu risg nad yw adrannau'n ymgysylltu â llifoedd gwaith comisiynu ar adeg ddigon cynnar yn y broses gomisiynu. Felly, efallai na fydd gan y Cyngor wastad ddigon o amser i roi ystyriaeth lawn i'r holl opsiynau a ffactorau a allai oleuo penderfyniadau comisiynu.
- 19 Mae'r Cyngor yn ystyried y ffactorau dros y tymor byr, canolig a hir a all ddylanwadu ar y graddfeydd amser comisiynu. Er enghraifft, fe ddyfarnodd y Cyngor gontract tair blynedd i ddarparu ei wasanaethau cymorth ieuencid gydag

opsiwn i estyn am ddwy flynedd bellach. Mynegodd swyddogion sut y mae'r ffrâm amser hon yn cyd-fynd â'r cyllid grant sydd ar gael gan Lywodraeth Cymru a graddfeydd amser polisi a chanllawiau cenedlaethol ar ddarparu gwasanaethau cymorth ieuencid. Mae ystyried goblygiadau hirdymor a byrdymor penderfyniadau comisiynu'n lleihau'r risg o beidio â chyflawni gwerth am arian dros y tymor hwy.

- 20 Mae'r Cyngor yn ystyried sut y gallai'r gwasanaethau a gomisiynir ganddo effeithio ar ei amcanion llesiant ei hun ac amcanion llesiant partneriaid rhanbarthol a chenedlaethol. Er enghraifft, mae strategaeth caffael a chomisiynu'r Cyngor yn amlinellu sut y mae comisiynu'n effeithio ar ei amcanion llesiant ei hun ac amcanion llesiant sefydliadau partner ar lefel strategol. Mae ffurflen gomisiynu'r Cyngor yn gofyn i wasanaethau gwblhau asesiad effaith sy'n cynnwys manylion sut y bydd y gwasanaeth a gomisiynir yn effeithio ar amcanion llesiant y Cyngor a'i flaenoriaethau strategol eraill. Mae ystyried goblygiadau ehangach penderfyniadau comisiynu'n gallu helpu'r Cyngor i osgoi dyblygu ac adnabod manteision lluosog sy'n sicrhau deilliannau gwell a gwerth am arian. Fodd bynnag, nid yw'r Cyngor wastad yn adnabod y goblygiadau llawn o ran adnoddau wrth gomisiynu gwasanaethau. Er enghraifft, nid yw ffurflen gomisiynu'r Cyngor yn ysgogi meysydd gwasanaeth i ystyried costau rheoli contract. Gan nad yw'r Cyngor yn sicrhau ei fod yn ystyried goblygiadau llawn penderfyniadau comisiynu o ran adnoddau, ceir mwy o risg y bydd yn dewis opsiynau nad ydynt yn cyflawni'r gwerth gorau am arian.
- 21 Mae'r Cyngor yn ystyried cyfleoedd ar gyfer cydweithio wrth gomisiynu gwasanaethau. Gweithiodd y Cyngor gyda phartneriaid mewnol ac allanol i helpu i ddatblygu ei strategaeth gaffael. Mae ffurflen gomisiynu'r Cyngor hefyd yn ysgogi adrannau i ystyried pam eu bod yn comisiynu gwasanaeth ac a ydynt wedi ystyried cysylltiadau â phartneriaid mewnol ac allanol wrth ddatblygu opsiynau ar gyfer darparu'r gwasanaeth. Fe wnaeth y gwasanaethau a adolygwyd gennym ni ddarparu tystiolaeth eu bod yn dilyn y broses hon. Mae gan y Cyngor gytundeb caffael-ar-y-cyd gyda Chyngor Sir y Fflint sy'n ysgogi ystyriaeth i ddichonoldeb caffael gwasanaethau ar y cyd. Mae'r cytundeb wedi'i gynnwys yn ffurflen gomisiynu'r Cyngor, sy'n ysgogi adrannau i ystyried cyfleoedd eraill ar gyfer comisiynu ar y cyd ac egluro pam y dewison nhw'r dull arfaethedig. Mae ystyried opsiynau ar gyfer gweithio mewn partneriaeth yn bwysig i helpu'r Cyngor i adnabod cyfleoedd posibl i gyflawni gwerth gwell am arian.
- 22 Mae gweithgarwch cynnwys i oleuo penderfyniadau comisiynu'n digwydd ar sail ad-hoc gan mwyaf. Canfuom dystiolaeth o'r Cyngor yn cynnwys ystod o randdeiliaid i oleuo peth o'i weithgarwch comisiynu. Er enghraifft, gweithiodd y Cyngor gyda thrigolion a phartneriaid allweddol i helpu i oleuo'r broses o gomisiynu cynllun adsefydlu'r DU. Fodd bynnag, mae gweithgarwch cynnwys y Cyngor yn cael ei lywio gan mwyaf gan y maes gwasanaeth perthnasol ac nid yw'n cael ei amlygu fel ystyriaeth strategol yn strategaeth caffael a chomisiynu'r Cyngor. Mae gweithio gyda'r bobl gywir yn bwysig i helpu i sicrhau bod y Cyngor yn comisiynu gwasanaethau sy'n diwallu anghenion ei gymunedau, a bod y gwasanaethau hynny'n cael eu darparu mewn ffordd sy'n cynyddu gwerth am arian i'r eithaf.

- 23 Mae'r Cyngor wedi sefydlu trefniadau i fonitro gwerth am arian gwasanaethau a gomisiynwyd. Er enghraifft, mae gwasanaeth cymorth ieuencid y Cyngor yn ystyried adroddiadau rheolaidd yn erbyn amcanion a mesurau ac mae ffurflen gomisiynu'r Cyngor yn ysgogi adrannau i nodi sut y bydd gwerth am arian yn cael ei werthuso. Mae'r Cyngor hefyd yn monitro cynnydd yn erbyn ei strategaeth caffael a chomisiynu ac yn adrodd ar hynny trwy ei drefniadau herio a chraffu corfforaethol.
- 24 Fodd bynnag, nid yw'r Cyngor yn mynd ati'n systematig i rannu gwersi a ddysgwyd o'i weithgarwch comisiynu. Mae gwerthuso cost ac effeithiolrwydd trefniadau comisiynu'n bwysig i adnabod meysydd i'w gwella, rhannu gwersi a ddysgwyd, a helpu i sicrhau gwerth am arian.



## Ein hargymhellion i'r Cyngor

### Arddangosyn 1: ein hargymhellion i'r Cyngor

#### Argymhellion

##### Cryfhau goruchwyliaeth strategol ar weithgarwch comisiynu

- A1 Mae'r adroddiad hwn yn amlygu anghysonderau posibl o ran sut y mae llifoedd gwaith comisiynu'n cael eu cymhwyso ar draws y Cyngor. I fynd i'r afael â hyn, dylai'r Cyngor gryfhau a gwreiddio'i drefniadau comisiynu ar draws yr holl adrannau. Dylai hyn gynnwys:
- lle y bo'n hysbys, trosolwg o'r gweithgarwch comisiynu y trefnwyd iddo ddigwydd dros y tymor canolig i'w helpu i gynllunio gweithgarwch comisiynu yn y dyfodol mewn modd amserol;
  - ystyriaeth i gost lawn gweithgarwch comisiynu (e.e. gan gynnwys costau rheoli contractau); ac
  - ystyried yn systematig pa randdeiliaid i'w cynnwys, i oleuo penderfyniadau comisiynu.

##### Datblygu trefniadau ffurfiol ar gyfer rhannu gwersi a ddysgwyd

- A2 Darparodd y Cyngor dystiolaeth ei fod yn gwerthuso prosesau comisiynu ac yn dysgu gwersi o hyn, ond mae'r gweithgaredd hwn yn anffurfiol ei natur gan mwyaf. I fynd i'r afael â hyn, dylai'r Cyngor gryfhau trefniadau ar gyfer rhannu gwersi a ddysgwyd ar draws adrannau a chyda phartneriaid allanol.



# Atodiad 1

## Cwestiynau a meini prawf archwilio

**Cwestiwn cyffredinol:** Wrth gomisiynu gwasanaethau a yw'r Cyngor yn sefydlu trefniadau priodol i sicrhau gwerth am arian o ran y modd y mae'n defnyddio ei adnoddau?

Cwestiynau Lefel 2	Cwestiynau Lefel 3	Meini prawf
A oes gan y Cyngor resymeg eglur dros gomisiynu gwasanaethau?	<p>A yw'r Cyngor yn diffinio'n glir pa wasanaethau y mae'n bwriadu eu comisiynu a pham?</p> <p>A yw'r Cyngor yn cynnal arfarniad cynhwysfawr o'r opsiynau comisiynu cyn penderfynu comisiynu gwasanaeth?</p>	<ul style="list-style-type: none"><li>• Mae'r Cyngor yn nodi diffiniad clir o'r gwasanaethau y mae'n bwriadu eu comisiynu.</li><li>• Mae'r Cyngor yn nodi 'pam' fod arno angen comisiynu'r gwasanaethau gan gynnwys:<ul style="list-style-type: none"><li>– effaith/deilliannau bwriadedig darparu'r gwasanaeth; ac</li><li>– a fydd/sut y bydd y gwasanaeth yn helpu'r Cyngor i gyflawni ei ddyletswyddau statudol.</li></ul></li><li>• Mae'r Cyngor yn ystyried yr ystod lawn o opsiynau comisiynu ar gyfer darparu'r gwasanaeth – gallai'r opsiynau gynnwys y canlynol, er enghraifft:<ul style="list-style-type: none"><li>– darpariaeth fewnol;</li><li>– trefniadau partneriaeth neu ddulliau o gomisiynu o fewn ac ar draws sectorau;</li><li>– allanoli'r gwasanaeth i ddarparwr arall trwy ymddiriedolaeth neu drefniant arall; a</li><li>– chontractio'r gwasanaeth trwy broses dendro.</li></ul></li><li>• Mae'r Cyngor yn ystyried costau a manteision yr opsiynau o safbwynt darbodaeth, effeithlonrwydd ac effeithiolrwydd – gan gynnwys dros y tymor byr, canolig a hir.</li><li>• Mae'r Cyngor yn cynnwys costau rheoli contract o fewn ei asesiad o opsiynau comisiynu.</li><li>• Mae'r Cyngor yn cynnwys asesiad o risg ar gyfer pob opsiwn comisiynu fel rhan o asesu costau a manteision.</li></ul>

Cwestiynau Lefel 2	Cwestiynau Lefel 3	Meini prawf
A yw'r Cyngor yn cynllunio dros raddfa amser briodol?	A yw'r Cyngor yn ystyried beth mae hirdymor yn ei olygu wrth gomisiynu gwasanaethau?	<ul style="list-style-type: none"> <li>• Mae'r Cyngor yn defnyddio amrywiaeth eang o wybodaeth o ffynonellau mewnol ac allanol i ddatblygu dealltwriaeth am y ffactorau cyfredol a hirdymor sy'n debygol o effeithio ar wasanaethau a gomisiynir.</li> <li>• Mae'r Cyngor yn ystyried beth mae hirdymor yn ei olygu wrth gynllunio ei ddull o gomisiynu gwasanaethau – h.y. pa mor bell ymlaen all/ddylai gynllunio a pham.</li> <li>• Mae'r Cyngor yn ystyried sut y bydd yn taro cydbwysedd rhwng anghenion byrdymor a hirdymor wrth gynllunio ar gyfer comisiynu gwasanaethau gan gynnwys, er enghraifft, wrth bennu'r ffrâm amser ar gyfer contractau neu drefniadau comisiynu eraill.</li> </ul>
	A yw'r Cyngor yn deall y goblygiadau hirdymor o ran adnoddau wrth gomisiynu gwasanaethau?	<ul style="list-style-type: none"> <li>• Mae'r Cyngor yn meddwl am yr adnoddau y bydd eu hangen arno dros y tymor canolig a hwy (costau oes gyfan) i ddarparu gwasanaethau a gomisiynir.</li> </ul>
	A yw'r Cyngor yn nodi sut y bydd yn monitro gwerth am arian gwasanaethau a gomisiynir dros y tymor byr, canolig a hir?	<ul style="list-style-type: none"> <li>• Mae'r Cyngor yn ystyried sut y gellid rhoi ystod o senarios lleihau cyllideb ar waith mewn perthynas â gwasanaethau a gomisiynir.</li> <li>• Mae'r Cyngor yn nodi'r trefniadau monitro y bydd yn eu dilyn ar gyfer y gwasanaeth a gomisiynir.</li> <li>• Dylai'r Cyngor ddisgrifio sut y bydd gwerth am arian gwasanaethau a gomisiynir yn cael ei asesu a'i fonitro gan gynnwys: <ul style="list-style-type: none"> <li>– costau a manteision; a</li> <li>– chynnydd tuag at gerrig milltir a mesurau tymor byr, canolig a hwy.</li> </ul> </li> </ul>
A yw'r Cyngor wedi meddwl am yr effeithiau ehangach y gallai ei wasanaeth a gomisiynir eu cael?	Wrth gomisiynu gwasanaethau, a yw'r Cyngor yn ystyried sut y gall gynyddu eu cyfraniad at amcanion llesiant y Cyngor i'r eithaf?	<ul style="list-style-type: none"> <li>• Mae'r Cyngor yn ystyried sut y bydd gwasanaethau a gomisiynir yn effeithio ar ei holl amcanion llesiant ei hun i sicrhau manteision lluosog, osgoi dyblygu neu unrhyw ganlyniadau anfwriadol, e.e. ystyried amcanion tymor hwy, y gadwyn gyflenwi leol, cydnerthedd y farchnad ac effaith hyd contractau, bioamrywiaeth, a lleihau carbon.</li> </ul>
	Wrth gomisiynu gwasanaethau, a yw'r Cyngor yn ystyried sut y gall	<ul style="list-style-type: none"> <li>• Mae'r Cyngor yn ystyried sut y bydd gwasanaethau a gomisiynir yn effeithio ar amcanion llesiant cyrff eraill yn y sector cyhoeddus i</li> </ul>

Cwestiynau Lefel 2	Cwestiynau Lefel 3	Meini prawf
	<p>gwasanaethau gynyddu eu cyfraniad at amcanion llesiant cyrff eraill yn y sector cyhoeddus i'r eithaf?</p> <p>Wrth gomisiynu gwasanaethau, a yw'r Cyngor yn ystyried sut y gall gwasanaethau gynyddu eu cyfraniad at y Nodau Llesiant Cenedlaethol i'r eithaf?</p>	<p>sicrhau manteision lluosog ac osgoi dyblygu neu unrhyw ganlyniadau anfwriadol.</p> <ul style="list-style-type: none"> <li>• Mae'r Cyngor yn ystyried sut y bydd gwasanaethau a gomisiynir yn effeithio ar y nodau llesiant cenedlaethol i sicrhau manteision lluosog ac osgoi dyblygu neu unrhyw ganlyniadau anfwriadol.</li> </ul>
<p>A yw'r Cyngor yn gweithio gyda'r bobl a'r partneriaid iawn i ddylunio a darparu ei wasanaethau a gomisiynir?</p>	<p>A yw'r Cyngor wedi adnabod pwy y mae angen iddo eu cynnwys?</p> <p>A yw'r Cyngor yn cynnwys amrywiaeth lawn y bobl?</p>	<ul style="list-style-type: none"> <li>• Mae'r Cyngor yn deall pwy fydd gwasanaethau a gomisiynir yn effeithio'n uniongyrchol ac yn anuniongyrchol arnynt. Goleuwyd hyn gan ddadansoddiad rhanddeiliaid neu ymarfer tebyg.</li> <li>• Mae'r Cyngor yn cynnwys yr amrywiaeth lawn o safbwyntiau wrth benderfynu sut i gomisiynu gwasanaethau.</li> <li>• Mae'r Cyngor yn defnyddio canlyniadau gweithgarwch cynnwys i oleuo sut y bydd yn comisiynu gwasanaethau, gan gynnwys ei effaith ar grwpiau sy'n rhannu nodweddion gwarchoddedig</li> </ul>
	<p>A yw'r Cyngor yn cydweithio gyda'r partneriaid cywir?</p>	<ul style="list-style-type: none"> <li>• Mae'r Cyngor yn deall yn dda pa bartneriaid a pha bartneriaid posibl y gallai weithio gyda hwy i gomisiynu gwasanaethau i wella gwerth am arian. Goleuwyd hyn gan ddadansoddiad cynhwysfawr o bartneriaid posibl a'u blaenoriaethau.</li> <li>• Lle mae cyfleoedd i wella gwerth am arian trwy gomisiynu gwasanaethau mewn partneriaeth yn cael eu hadnabod, mae'r Cyngor yn mynd ar eu trywydd.</li> </ul>
<p>A oes gan y Cyngor drefniadau i werthuso gwerth am arian ei ddull comisiynu?</p>	<p>A yw'r Cyngor yn mynd ati fel rhan o'r drefn arferol i werthuso effeithiolrwydd ei drefniadau comisiynu?</p>	<ul style="list-style-type: none"> <li>• Mae'r Cyngor yn adolygu effeithiolrwydd ei ddull comisiynu'n rheolaidd gan gynnwys: <ul style="list-style-type: none"> <li>– i ba raddau y mae gwasanaethau a gomisiynir yn cyflawni'r amcanion y mae'r Cyngor wedi'u pennu; a</li> <li>– gwerth am arian modelau comisiynu a ddewiswyd gan gynnwys ystyried mewnbynnau, allbynnau a deilliannau.</li> </ul> </li> </ul>

## Cwestiynau Lefel 2

## Cwestiynau Lefel 3

## Meini prawf

A yw'r Cyngor yn mynd ati fel rhan o'r drefn arferol i rannu unrhyw wersi a ddysgwyd i oleuo ymarferion comisiynu yn y dyfodol?

- Mae'r Cyngor yn rhannu ac yn cymhwyso unrhyw wersi a ddysgwyd o'i ddull comisiynu yn eang ar draws y sefydliad, a chyda phartneriaid lle y bo'n berthnasol.





Archwilio Cymru

Ffôn: 029 2032 0500

Ffacs: 029 2032 0600

Ffôn testun: 029 2032 0660

E-bost: [post@archwilio.cymru](mailto:post@archwilio.cymru)

Gwefan: [www.archwilio.cymru](http://www.archwilio.cymru)

We welcome correspondence and telephone calls in Welsh and English.  
Rydym yn croesawu gohebiaeth a galwadau ffôn yn Gymraeg a Saesneg.